



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. III. Solvuntur objectiones,

---

[urn:nbn:de:hbz:466:1-77232](#)

breviter proponi. Ita se haber veritas creata ad intellectum divinum, sicut bonitas creata ad voluntatem divinam: Sed bonitas creata nequit ratione sui immediatè terminare actum voluntatis divinae: Ergo nec veritas creata potest ratione sui immediatè terminare actum divini intellectus. Major pater, Minor vero variis rationibus demonstrabitur in Tractatu de voluntate Dei, & potest interim breviter suaderi ex D. Thoma infra quest. 19. art. 2. ad 2. ubi sic discutitur: *In his quæ volumus propter finem, tota ratio movendi est finis, & hoc est quod moveat voluntatem: unde cum Deus alia à se non velit nisi propter finem, qui est sua bonitas, non sequitur quod aliquid aliud moveat voluntatem suam, nisi bonitas sua; & sic sicut alia à se intelligit, INTELLIGENDO ESSENTIAM SVAM; ita alia à se vult, volendo bonitatem suam. Et rursus in solut. ad 3. Ex hoc quod voluntati divina sufficit sua bonitas, non sequitur quod nihil aliud vult, nisi ratione sua bonitatis: sicut etiam intellectus divinus, licet sit perfectus ex hoc ipso quod essentiam divinam cognoscit, TAMEN IN EA COGNOSCIT ALIA. Quod nihil clarius & expressius in favorem nostræ sententiae dici potest.*

61. Addo quod Suarez ad hanc configuit doctrinam, dum opprimitu difficultate insuperabili actus liberi Dei, quem non putat se posse concipere, aut tutari, nisi recurrat ad illud principium, quod actus liber Dei, & quilibet increatus, essentiam aut bonitatem divinam respicit ut objectum formale adæquatum, creaturas verò ut objectum materiale à quo non hauriant specificationem. A qua tamen veritate aperte recedit, & simul calidum & frigidum efflat, dum in Deo præter modum cognoscendi creaturas in essentia divina tanquam in causa, admittit aliud genus cognitionis creaturarum in seipsis immediate, & independenter ab essentia divina priùs visa; id enim, ut suprà ostendimus, est objectum intellectus specificativum, ad quod per se primò terminatur, nullo medio priùs cognito.

### §. III.

#### Solvuntur objectiones,

62. Objicis primò: Deus cognoscit veritates creatas omni modo quō sunt cognoscibiles, alias infinitus in cognoscendo non esset: Sed veritates creatae sunt cognoscibiles duobus modis nempe mediatae, in divina essentia tanquam in causa, & immediatae in seipsis: Ergo Deus illas utroque modo cognoscit.

Confirmatur: Intellectus animæ Christi cognoscit veritates creatas in verbo (hoc est in divina essentia visa) & immediatae in seipsis extra verbum, per scientiam supernaturalem infusam, idque ut anima Christi concedatur omnis modus cognoscendi res creatas, ut communiter docent Theologiz. p. quest. 9. Sed hac ratio magis urget de intellectu divino: Ergo Deus cognoscit veritates creatas non solum in sua essentia visa, sed etiam immediatae in seipsis.

Confirmatur amplius: In Angelis beatis admittitur à Theologis, post D. Augustinum, duplex cognitio, matutina scilicet, & vespertina, & duplex modus cognoscendi creaturas, in verbo, & extra verbum: Ergo similiter uterque modus illas cognoscendi, Deo non debet negari.

63. Ad objectionem quæ est precipuum Adversa-

Tom. I.

A riòrum fundamentum, reliquis variis solutionibus, facile respondeo distinguendo Majorem: Deus cognoscit veritates creatas omni modo quō sunt cognoscibiles: Si talis modus non dicat imperfectionem ex parte cognitionis, concedo Majorem: si involvit imperfectionem, nego Majorem; & sub eadem distinctione Minoris, nego Consequentiam. Nam cognitionis immediatae creaturarum in seipsis, imperfectionem dependentia & specificationis ab ipsis, in intellectum cognoscendum refudit, ut constat ex dictis in tertiaratione. Unde quamvis veritates creatae sint immediatae cognoscibiles, & de facto sic cognoscantur ab intellectu animæ Christi creato, cuius actibus non repugnat hujusmodi imperfectione; non cognoscuntur tamen, nec cognosci possunt ab intellectu divino in seipsis immediatae. Per quod ad primam confirmationem patet solutionis.

B Ad secundam, concessò Antecedente, nego Consequentiam & paritatem, propter duplum rationem discriminis. Prima est, quia objectum specificativum intellectus angelici & humani, non est ens increatum, sed ens ut sic, prout abstrahit à creato & increato: objectum vero specificativum intellectus divini, est ens increatum tantum, seu sola divina essentia, cum ea sola sit ejusdem puritatis, immaterialitatis, & actualitatis cum illo. Secunda, quia (ut suprà dicebamus) in Deo, utpote infinitè perfecto, non potest dari duplex modus cognoscendi creaturas, quorum unus si magis, & alter minus perfectus; benè tamen in Angelis & in beatis: modus autem cognoscendi creaturas immediatae in seipsis, est minus perfectus, quam modus eas cognoscendi in essentia divina ut in causa; imò (ut suprà ostendimus) involvit imperfectionem specificationis & dependentie à creaturis, Deo repugnantem.

C Dices: Perfectus est cognoscere objecta sine medio, quam in aliquo medio: v.g. perfectus est videre hominem in seipo immediatae, quam

D in speculo in quo repræsentatur: Ergo modus cognoscendi creaturas immediatae in seipsis, multò perfectior est, quam modus eas cognoscendi in essentia divina tanquam in causa, & medio priùs cognito.

E Confirmatur: Cognitionis rei in alio ut in causa, est abstractiva: Ergo minus perfecta est, quam cognitionis intuitiva rei in seipsa immediatae.

Ad instantiam, nego Antecedens; perfectio enim cognitionis non attenditur penes hoc quod sit mediata, vel immediata, sed penes hoc quod magis vel minus clare attingat objectum: unde cum cognitionis creaturarum in essentia divina, clarior sit, quam cognitionis illarum in seipsis, quæ (ut ait Augustinus suprà relatus) decoloratorius est, & obscurior, perfectius est cognoscere creaturas in essentia divina, tanquam in causa, & medio priùs cognito, quam illas immediatae in seipsis intueri.

F Ex hoc intelliges quod ait S. Doctor hic art. 10. ad 4. nempe, quod cognoscere aliquid per aliud tantum, est imperfecta cognitionis, si illud sit cognoscibile per se. Hoc enim verum est, quando illud quod in alio cognoscitur, in illo minus perfectè continetur & repræsentatur, quam in seipo; secùs verò, si in illo perfectè continetur & repræfenteatur: unde cum creaturæ continentur in essentia divina tanquam in causa; & in idea & arte divina per quam factæ

C c iii

64:

65:

66:

67:

sunt, clarissimè & perfectissimè, ac secundum proprias earum rationes & differentias representantur, modus cognoscendi creaturas in essentia divina tanquam in causa, idea, & exemplari, multò perfectionis & nobilior est, quād modus illas cognoscendi immediatè in seipsis, & secundum propriam earum cognoscibilitatem & veritatem, quam Adversarij *objectivam* appellant; sicut in Angelis beatis, perfectionis est notitia creaturarum in verbo, que *matutina* dicitur, quād earum cognitio extra verbum, que *vesperina* appellatur.

63. Ad confirmationem dicendum, quod cognitione rei in alio est abstractiva, quando non attingit existentiam rei, sed ejus tantum quidditatem & essentiam; secūs vero, si attingat ejus existentiam; cognitione enim non dicitur intuitiva, vel abstractiva, ex eo quod fiat cum medio, vel sine medio; sed ex eo quod attingat vel non attingat existentiam rei: unde cūm Deus cognoscendo creaturas existentes, in sua essentia tanquam in causa, non solum quidditatem, sed etiam existentiam illarum attingat, cognitione illarum non est abstractiva, sed intuitiva: scientia verò possibilium, quia terminatur ad rerum tantum quidditatem & essentiam, & abstrahit ab illarum existentia, purè abstractiva est: notitia autem futurorum, est intuitiva; quia terminatur ad illa, ut praesentia in aeternitate, quod ad cognitionem intuitivam sufficit, ut infra declarabitur, cūm agemus de praesentia futurorum contingentium in aeternitate.

Diss. 4.  
art. 3.  
69. Objicis secundò, Si Deus non cognosceret creaturas immediatè in seipsis, sed solum in seipso ut in medio prius cognito, non cognosceret eas secundum esse formale quod habent in propria natura, sed tantum secundum esse eminentiale quod habent in essentia divina tanquam in causa: At hoc falso est, ut initio articuli precedentis contra Aureolum ostendimus: Ergo & illud. Sequela Majoris probatur: Creaturæ non continentur in Deo formaliter, sed tantum virtualiter, seu eminenter, cūm Deus non sit formaliter homo, vel leo, & omnes perfectiones creaturarum habeant aliquam imperfectionem admixtam, qua Deo repugnat: Ergo si Deus cognoscet creaturas solum in seipso tanquam in causa, & medio prius cognito, eas non cognoscit secundum esse formale quod in se habent, sed tantum secundum esse eminentiale quod habent in essentia & omnipotencia divina, tanquam in causa prima.

70. Pro solutione hujus argumenti, advertendum est, quod quando dicimus essentiam divinam esse medium in quo Deus cognoscit creaturas, non sumimus essentiam divinam ut distinctam ab attributis, cūm ut sic non sit causa adæquata illarum; sed simul cum attributis quae ad productionem creaturarum concurunt, nempe ideis & arte divinâ, utilitas representantibus, intellectu ut dirigente per scientiam simplicis intelligentiæ, voluntate ut movente & applicante per decretem, & omnipotentiâ ut exequente per actum imperij, sicut infra ostendemus. Hoc præmisso, ad argumentum respondeo, negando sequelam Majoris; ad cuius probationem dico, quod licet creature non continetur formaliter in essentia divina, sed tantum eminenter; continentur tamen formaliter (non in esse entitativo, sed intelligibili) in aliquo attributo, quod ad eam effectuonem concurrit, nempe in ideis &

A arte divina; cūm enim Deus sit causa efficiens intellectualis, ratione sua idea & verbi, præhabet res omnes in se formaliter, non in esse entitativo, sed intelligibili & representativo, sicut artifex creatus sua opera, juxta illud, *Qui fecit celos in intellectu*; & hoc sufficit ut creature cognoscantur à Deo secundum esse formale quod habent in seipsis, & non solum secundum esse eminentiale quod habent in divina essentia & omnipotencia.

Aliam hujus argumenti solutionem insinuamus in Tractatu de visione beata, ubi diximus duplē dari continentiam eminentiale unam imperfectam, & se extendentem solum ad alijs, quam rationem communem & genericam, quæ illa que convenit Soli & aliis corporibus celestibus, respectu corporum inferiorum, quæ causant solum quantum ad aliquam rationem communem & genericam, pñt rationem viventis, vel corporis corruptibilis, quam per se primò in rerum inferiorum generationibus attingunt: aliam perfectam, & se extendentem non solum ad rationes communes & genericas, sed etiam ad differentias atomas & individuales, quæ soli Deo competit; cūm ipse solus per se primò attingat in rebus creatis rationem entis prodicibilis, in differentiis omnium rerum creatarum transcendentaliter inclusam. Quamvis ergo primum genus continentia eminentialis non sufficiat ad manifestationem rei secundum esse formale, & quantum ad ejus rationem specificam & individualem, bene tamen secundum; quia cūm talis continentia eminentialis perfectissima sit, & ad omnes rationes, tam genericas, quād specificas, & individuales se extendat, æquivaler potest omnia quæ illa præstat, & ducere in cognitionem rerum secundum esse formale quod in se habent.

B Diss. 4.  
art. 4.  
§. 2. in solut.  
ad 1. C Objicis tertio: Sunt aliquæ veritates creatæ adeo manifestæ, ut per seiphas, absque ullo medio, intellectu creato innotescant, ut prima principia, vel propositiones identicæ: Ergo saltem tales veritates possunt cognosci ab intellectu divino in seipsis immediatè, & absque eo quod opus sit, ut prius seipsum, vel suam omnipotentiam cognoscat.

E D Respondeo concessò Antecedente, negando Consequentiam & paritatem, ob duplē rationem discrimini. Prima est, quia intellectus creato non repugnat specificari à veritate creatæ, bene tamen divino, ut suprà ostensum est. Secunda, quia intellectus divinus non potest cognoscere veritatem creatam, cognitione quæ non sit comprehensiva: comprehensio autem veritatis creatæ non potest haberi, nisi omnes illius causæ cognoscantur; & quia præcipua causa veritatis creatæ, est Deus, ille non potest cognoscere veritates creatas, nisi in seipso ut medio prius cognito; quæ ratio cùm non habeat locum in intellectu creato, possunt prædictæ veritates ab illo in seipsis immediatè cognosci.

F Ex dictis in hoc & præcedenti articulo eruditus Lector agnoscat, quād altas doctrinæ Thomistarum afferentium Deum omnia in seipso ut in causa cognoscere, radices egerit, Patrum traditionem, & omnium scientiarum principia complexa, & quād vani fuerint haec tenus in ea convellenda Aduersiorū conatus. Intelliget etiam, sententiam afferentem Deum futura contingencia in suo decreto cognoscere, non esse novum

Thomistarum inventum, ignotum antiquis Patribus, maximè D. Augustino & S. Thomæ, ut P. Annatus in libro quem pro defensione scientie mediae edidit, singulis ferè paginis objicit: cùm uterque S. Doctor, locis suprà adductis, non aliam agnoscat in Deo creaturas quascumque seu possibiles seu futuras cognoscendi rationem, quām in seipso ut in caufa; & Dionyfius omnium Theologorum post Apostolos antiquissimus, hanc doctrinam clarissimè & distillissimè tradat. Sed mirum, quòd cùm hæ de cognitione creaturarum in Deo controversia, tanti sit momenti ad constituendam aut evertendam scientiam medium, eam tamen prædictam Author ne leviter quidem attigerit: sed hanc difficultatem, ex qua, ut suprà ostendimus, omnino pender positio vel destrucción talis scientie, penitus dissimulaverit; quod non leve indicum est, adeo firmam esse nostram doctrinam, ut nihil possint Adversari illi opponere, quod facile non excutiamus.

## ARTICULUS III.

An & quomodo Deus non entia, mala, singularia, & infinita cognoscat?

**P**riusquam differamus de causalitate divinae scientie, & de modo quo Deus futura contingentia tam absolute, quām conditionata cognoscit, breviter explicandum est, an, & quomodo non entia, mala, singularia, & infinita ab illo cognoscantur, de quo agit S. Thomas art. 10. 11. & 12. hujus questionis.

74. Dico ergo primò, Deum cognoscere non entia, seu figura, & entia rationis, quæ ab intellectu creato fabricantur, ea tamen nullo modo efformare.

Prima pars colligitur ex D. Thoma hic art. 9. ubi sic ait: *Deus cognoscit omnia que sunt in potentia creature, sive activa, sive passiva. sive in potentia opinandi, vel imaginandi.* Sed entia rationis continentur in potentia intellectus creati, & eo habent esse objectivum: Ergo à Deo cognoscuntur.

Confirmatur: Deus cognoscit omnes hominem cogitationes, etiam vanas, juxta illud Psal. 83. *Dominus scit cogitationes hominum, quoniam vanæ sunt.* Ergo etiam cognoscit illarum objecta, quæ interdum sunt chimæra, & entia rationis.

75. Secunda pars conclusionis probari solet in Philosophia. Ratio fundamentalis est, quia formatio entium rationis derogat perfectione divini intellectus: ille enim qui format entia rationis, apprehendit objectum aliter ac est in se, ex parte rei cognitæ; id est in re cognita apprehendit aliquid, quod reverè ei non convenit; putat relationem rationis in re absoluta ab omni respectu, vel distinctionem rationis in re omnino simplici: Sed hoc, ut constat, derogat perfectioni, & veritati divini intellectus, quæ consistit in adæquatione cognitionis cum re cognita, id est, in eo quod objectum cognoscatur eo modo quo est in se: Ergo efformatio entium rationis derogat perfectione & veritati divini intellectus. Unde licet divina scientia se extendat ad entia rationis ab intellectu humano facta, vel factibilia: quia tamen talis cognitio est mere speculativa, nec apprehendit rem aliter ac est in se, vel non

ens ad modum entis; sed solum videt non entia habere modum entis in intellectu creato, non format entia rationis. Sed haec merces & qualia, ad nundinas & Scholas Philosophorum remittenda sunt: in his enim diutius immorari, nec vacat, nec expedit.

Dico secundò: à Deo cognosci omnia materia naturæ, pœna & culpa, non per bonitatem incretam immediate, sed per bonitatem creatam.

B Prima pars conclusionis est de fide, quam tandem videntur negare Averroës relatus à D. Thoma 1. contra Gent. cap. 71. & quidam Hæretici Albanenses, negantes Deum cognoscere peccata, nisi ex relatione Diaboli: quorum fundatum potuit esse, quia in Scriptura Deus dicitur ignorare peccata.

Probatur primò ex Scriptura: dicitur enim de malis natura Sapientia 8. *Monstra scit, amet quam sicut.* De malis poena Amos 3. *Si erit malum in civitate quod non fecerit Dominus.* Et Proverb. 15. *Infernus & perditio coram Domino.* De malis culpæ Iob. 14. *Signasti quasi in sacculo delicta mea.* Et Deuteron. 32. *Nonne haec condita sunt apud te, & signata in thesauris tuis?* Ubi allusio fit ad sacculos litium, vel ad eos in quibus servari solebant pondera, Deuteron. 15.

C Probatur secundò ratione desumptâ ex Divo Thoma, loco citato. Bonum intellectus est verum: Sed verum habetur in cognitione mali; nam sicut verum est bonum dari, & esse proficendum; ita etiam verum est dati malum, & esse fugiendum: Ergo Deus mala cognoscit.

Confirmatur: Cognitio mali non est damnanda, nisi quatenus inducit voluntatem ad malum; nec est deformis, nec aliquam inducit turpitudinem: tum quia visio, aut pictura monstri, potest esse pulchra: tum etiam, quia ut Deus cognoscet mala, non debet illis assimilari, quandoquidem non cognoscit ea per propriam speciem illorum, & ut objecta formalia, sed tantum materialia.

D Probatur tertio: Deus perfectè cognoscit bona creata, ac proinde quidquid illis potest accidere, & opponi: Sed malum opponitur bono, & illud corruptum: Ergo ut perfectè cognoscat bonum, debet malum cognoscere.

E Denique eadem pars suadetur. Mala culpæ Deus prohibet & punit tanquam judex; mala autem pœna, & naturæ, efficit tanquam prima causa, & prouisor universalis, propter bonum, & conservationem universi, unde pertinet ad ejus providentiam: At quæ cadunt sub providentia Dei, cadunt etiam sub cognitione, & sapientia ipsius, alias Deus ageret modo cæco, & ignaro: Ergo Deus talia mala cognoscit. Unde quando Scriptura dicit, *Denn non cognoscere mala, hoc intelligendum est, vel quia dissimulat, differendo punitionem, vel quia non cognoscit per propriam ideam, vel quia non cognoscit per scientiam approbationis, & operativam, maximè mala culpæ, ut suprà annotavimus.*

Major est difficultas circa secundam partem conclusionis, Zumel enim & alij Recentiores estimant, mala cognosci à Deo per ipsam essentiam, & bonitatem incretam immediate. Sed opposita sententia communis est apud Thomistas: pro cuius intelligentia, & probatione secunda partis conclusionis.

Observandum est primo: aliud esse quod

76.

77.

78.

79.